

Saksbehandlar: Anne-Kjersti Stenehjelm, Fylkesrådmannen  
Sak nr.: 17/4651-1

## Skriv og melding fylkesrådet for eldre 1. juni 2017

1. Fylkesrådet for eldre tek skriv og meldingar til vitande
2. Fylkesrådet for eldre sine uttalar og kommentarar til kvart einskild skriv og melding vert lagt under kvar meldesak

### **Vedlegg:**

Fråsegn frå Hordaland fylkeskommune om TEK 17  
Svar på KS om høyring om nasjonal ordning for oppbevaring av pasientjournalar  
Innspeil til økonomiplan 2018 – 2021  
Resolusjon frå Pensjonistforbundet  
Fråsegn frå fylkesrådet for eldre til Naustdal kommune  
Opprop frå råd for eldre og funksjonshemma i Selje  
Skriv frå Pensjonistforbundet i Sogn og Fjordane om Pasientreiser  
Uttale frå Fagforbundet sin konferanse i for pensjonist- og uføretillitsvalde

### **Meldesak 1) Fråsegn frå Hordaland fylkeskommune – TEK 17**

Direktoratet for byggkvalitet arbeider på oppdrag frå Kommunal- og moderniseringsdepartementet med ein gjennomgang av byggteknisk forskrift (TEK 10). Formålet er å forenkla og forbetre byggereglane og redusere byggekostnadane.

Hordaland fylkeskommune har sendt inn fråsegn til høyringa om TEK 17. Høyringsfristen var 10. februar 2017.

### **Meldesak 2) Svar frå KS om høyring om nasjonal ordning for oppbevaring av pasientjournalar ved overdraging og opphøyr av verksemd**

Helse- og omsorgsdepartementet sendte på høyring forslag om etablering av ei nasjonal ordning for oppbevaring av pasientjournalar ved overdraging og opphøyr av verksemd. KS støttar forslaget om avlevering til den nasjonale ordninga. Heile høyringsuttalen frå KS er vedlagt.

### **Meldesak 3) Innspeil til økonomiplan frå fylkesrådet for eldre**

Fylkesrådet for eldre sende 5. april 2017 fyljande innspeil til økonomiplanen 2018 - 2021:

- *I alt plan- og omstillingsarbeid må det leggast vekt på at dei mest sårbare gruppene ikkje vert spesielt hardt råka*
- *Folkehelseperspektivet må ha høgt fokus. Det må leggast til rette for å ta gode val og styrke folkehelsa*
- *I planarbeidet med nye fylkesvegar må det også planleggast gang/sykkelvegar. Busstopp må utformast universelt og det er framleis ein del eksisterande stopp som er direkte trafikkfarleg plassert og må byggast om eller flyttast*
- *Rassikringstiltak må ha høg prioritet for å gjere kvardagen betre for brukarane*

- *Ved ruteendringar eller rutekutt vert som regel utkantane råka. For å kompensere for problema som oppstår, må serviceskyssen byggast vidare ut for å kompensere for bortfall av ruter. Det må vurderast å innføre ei ordning med «bestillingsskyss». Mange i utkantane har problem med å knytte seg til ekspressruter grunna mangel på tilførselsruter. Ei ordning med «bestillingsskyss» kan løyse slike problem*

#### **Meldesak 4) Resolusjon frå Pensjonistforbundet**

Pensjonistforbundet Sogn og Fjordane har på sitt årsmøte vedteke ein resolusjon om at eldreråda må få betre arbeidsvilkår. Eldreråda har rett til å uttale seg i saker som vedkjem dei eldre, dei skal få sakene i god tid og dei har krav på god, stabil og kvalifisert sekretærhjelp.

#### **Meldesak 5) Fråsegn frå fylkesrådet for eldre til Naustdal kommune**

Fylkesrådet for eldre sende fylgjande uttale på e-post 11. mai 2017:

*Fylkesrådet for eldre har fylgjande uttale til høyringa om forskrift om rett til sjukeheimplass:*

*Fylkesrådet for eldre er positive til at Naustdal kommune vedtek retningslinjer for korleis kommunen skal handtere spørsmål kring ventelister for langtidsopphald.*

*Det er viktig at pasientar og brukarar på ventelister vert vurdert fortløpande, då sjukdomsbiletet ofte endrar seg raskt i desse aldersgruppene. Det må vere ei vurdering av alle brukarar som er innanfor kriteria når plassar skal tildelast. Ventelister og vurderingsprosessar må heile tida vere «levande» opp mot den enkelte brukaren sin helsetilstand og behov for omsorgstenester.*

*Dei som er kvalifisert til langtidsopphald på sjukeheim, bør få plass på sjukeheim straks.*

*Det bør òg vurderast i kva grad kommunen nyttar omsorgsbustader med heildøgntilsyn, opp mot tilbod om fullverdige sjukeheimplassar. Sjølv om omsorgsbustader med heildøgntilsyn er eit godt og rett tilbod for mange, må kommunen ha tilstrekkeleg tal sjukeheimplassar utfrå normtal for dette, for å gje eit godt nok samla tilbod til brukarane.*

#### **Meldesak 6) Oppsummering og informasjon frå studietur til Danmark 3. – 7. april**

Medlemmene i fylkesrådet for eldre (med unntak av Henrik), var på studietur til Danmark.

#### **Meldesak 7) Oppsummering og informasjon frå landskonferanse i Ålesund 22. – 24. mai**

Harald og Anna var på landskonferansen i Ålesund.

#### **Meldesak 8) Opprop frå råd for eldre og funksjonshemma i Selje**

Rådet for eldre og funksjonshemma i Selje krev at myndigheitene snarleg syter for at nettleida vert lik, uansett kva område straumbukarane bur i.

#### **Meldesak 9) Skriv frå Pensjonistforbundet i Sogn og Fjordane om Pasientreiser**

Pensjonistforbundet i Sogn og Fjordane vedtok i styremøte 15. april eit skriv i tilknytning til dei nye forskriftene for refusjon av Pasientreiser. Pensjonistforbundet har ynskje om at fylkesrådet for eldre og dei kommunale eldreråda tek saka vidare i sitt arbeid.

#### **Meldesak 10) Uttale frå Fagforbundet sin konferanse for pensjonist – og uføretillitsvalgte**

Fagforbundet sin pensjonisttillitsvalgtkonferanse har sendt utttale til NAV, der dei krev at NAV etablerer ei ordning der dei som har bruk for det, kan få hjelp og rettleiing til å fylle ut skjema og reiserekningar for refusjon av pasientreiser.